



- SENAT -

Broj: 01-10-2/20

Sarajevo, 20. 05. 2020. godine


Na osnovu člana 130. Zakona o visokom obrazovanju („Službene novine Kantona Sarajevo“, broj: 33/17) i člana 59. Statuta Univerziteta u Sarajevu, Senat je, na 12. elektronskoj sjednici održanoj 20. 05. 2020. godine, donio s l i j e d e ĩ

### ZAKLJUČAK

1. Prihvataju se Zaključci Kolegija rektora Univerziteta u Sarajevu i Kriznog štaba Univerziteta u Sarajevu broj: 0101-4957/20 od 18. 05. 2020. godine, koji čine sastavni dio ovog zaključka.
2. Zadužuje se Služba za nastavu da izvrši usklađivanje Akadenskog kalendara Univerziteta u Sarajevu za studijsku 2019/2020. godinu u skladu sa zaključcima iz tačke 1.

**REKTOR**

*Prof. dr. Rifat Škrijelj*



Dostavljeno:

- ☐ Organizacionim jedinicama UNSA
- Službi za nastavu UNSA
- Ministarstvu za obrazovanje, nauku i mlade Kantona Sarajevo
- U dokumentaciju Senata
- Arhivi



Sarajevo, 18. 05. 2020. g.  
Broj: 0101-...4.957.../20

Shodno Odluci Vlade FBiH o proglašenju nesreće uzrokovane pojavom koronavirusa (COVID-19) na području Federacije BiH od 16. 03. 2020. godine, a u vezi sa Odlukom Senata Univerziteta u Sarajevu broj: 01-5-113/20 od 25. 3. 2020. godine, kao i naredbama kriznih štabova ČŽ FBiH i KS, na zajedničkom sastanku Kolegija rektora Univerziteta u Sarajevu i Kriznog štaba Univerziteta u Sarajevu održanog dana 18. 05. 2020. godine, utvrđeni su slijedeći


## ZAKLJUČCI

1. U svrhu završetka nastave u studijskoj 2019/2020 godini, nastavlja se izvedba u online režimu svih oblika nastave, konsultacija, nadoknada i ispita na fakultetima i akademijama Univerziteta u Sarajevu, uz izuzeće dijelova nastave i ispita koji podrazumijevaju praktični rad studenata (eksperimentalne i kliničke vježbe, kamerno muziciranje, tehničko-tehnološke vježbe, arhivski rad, vježbe iz stručno-umjetničkih predmeta, specifično individualne vježbe, terenske vježbe i stručna praksa).
2. Praktični dio nastave i ispita iz tačke 1. Zaključaka održat će se u prostorijama fakulteta, akademija i nastavnih baza u grupama do maksimalnog broja od 15 osoba u prostoriji, uz poštivanje epidemioloških mjera.
3. Za predmete čija je nastava u ljetnom semestru studijske 2019/2020. godine nepotpuno realizirana u online režimu, ista se produžava za jednu sedmicu. Zadužuju se fakulteti i akademije da u tom periodu organiziraju nadoknade neodržane nastave, dodatne konsultacije i pripreme za ispit u skladu sa takom 1. ovih Zaključaka. Shodno navedenom, završni i popravni junsko-julski ispitni rokovi se pomjeraju za jednu sedmicu. U slučaju nadoknade parcijalnih provjera znanja, nastavnici su dužni osigurati period od najmanje 15 dana između parcijalnih i završnih ispita.
4. Za predmete čija se nastava nije održavala u on-line režimu fakulteti i akademije su obavezni da istu nadoknade najkasnije do 31. 07. 2020. godine, te da osiguraju održavanje parcijalnih i završnih ispita u skladu sa Zakonom, Statutom i pravilima studiranja, uz poštivanje epidemioloških mjera, uz prethodnu pisanu prijavu svih nadoknada Univerzitetu od strane fakulteta i akademija na kojima postoji potreba za istom, sa prijedlozima kako istu planiraju održati (u kojim terminima i sa kolikim grupama studenata).
5. Odobrava se dodatni ispitni termin u popravnom ispitnom roku za sve predmete ljetnog semestra.
6. Odrane završnih radova na svim ciklusima studija, uključujući i radne i finalne verzije doktorskih disertacija, mogu se vršiti online i u učionici u prisustvu komisije, zapisničara i kandidata koji brani rad, uz poštivanje epidemioloških mjera.
7. Uspostava praktičnog dijela nastave i ispita u učionici, a u skladu sa tačkom 2. ovih Zaključaka, počinje nakon što se ispune uslovi za vraćanje studenata u studentske domove, kao i nakon vraćanja izuzetih prostorija fakulteta u izvornu namjenu.

8. Nalaže se fakultetima i akademijama da za studente Univerziteta koji dolaze izvan Kantona Sarajevo i izvan Bosne i Hercegovine, a u smislu prisustva na dijelu nastave u učionici, omoguće zamjenske oblike kroz online nastavu i sl, uz obavezno javljanje studenata prodekanu za nastavu.
9. Prijemni ispiti će se održati online i/ili u učionici uz prisustvo komisije, zapisničara i kandidata koji polažu prijemni ispit, u grupama ne većim od 15 osoba na jednom mjestu i uz poštivanje epidemioloških mjera.
10. Univerzitet traži od resornog ministarstva obezbjeđenje doatnih finansijskih sredstava za nabavku sredstava za dezinfekciju s ciljem poštivanja epidemioloških mjera.
11. Svi Zaključci pod rednim brojem 1. do 10. će se uvrstiti u Odluku o izmjeni Akademskog kalendara za studijsku 2019/2020. godinu, a nakon usaglašavanja istih sa Ministarstvom za obrazovanje, nauku i mlade Kantona Sarajevo, te usvajanja istih od strane Senata Univerziteta u Sarajevu.

**REKTOR**

  
Prof. dr. Rifat Škrijelj



Dostaviti:

- Ministarstvo za obrazovanje, nauku i mlade KS
- Krizni štab CŽ KS
- Senat Univerziteta u Sarajevu
- Služba za pravne poslove
- U dokumentaciju
- a/a

---

Univerzitet u Sarajevu – Obala Kulina bana 7/II, 71000 Sarajevo – Bosna i Hercegovina

Telefon: ++387(33)226-378; ++387(33)668-250 - fax: ++387(33)226-379

<http://www.unsa.ba>

email: [javnost@unsa.ba](mailto:javnost@unsa.ba)